

S4 75 24/01/2010

Penuntut UMT harus miliki kemahiran insaniah

KUALA TERENGGANU – Universiti Malaysia Terengganu (UMT) menggalakkan penuntutnya aktif menyertai kelab dan aktiviti kampus dalam usaha melahirkan graduan yang tidak hanya cemerlang dalam akademik semata-mata.

Naib Canselor UMT, Profesor Dr Aziz Deraman berkata, penekanan terhadap keanggotaan dalam kelab mampu membantu penuntut tampil lebih berkeyakinan dan mahir berkomunikasi serta boleh memimpin.

"Ketika ini, UMT sendiri mempunyai 70 kelab yang boleh disertai mengikut pilihan

dan minat masing-masing dalam usaha menggalakkan penuntut supaya aktif ketika berada di universiti.



"Pembabitan penuntut dalam kelab mampu memupuk kemahiran insaniah dalam diri mereka yang amat diperlukan dalam industri pekerjaan ketika ini," katanya kepada Sinar Harian.

Menurutnya, keaktifan penuntut dalam aktiviti kelab masing-masing membantu perkembangan jati diri mereka seterusnya melatih supaya lebih bersedia

memasuki alam kerjaya yang kini berdepan saingan sengit.